

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編


齊魯書社

四庫全書存目叢書

集部
第一七六冊

責任編輯：孫言誠 賀 偉

ISBN 7-5333-0615-5



EB32/01

四庫全書存目叢書·集部一七六

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 39.375 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第一七六冊目次

集部·別集類

小草齋集三十卷續集三卷小草齋文集二十八卷(二)

〔明〕謝肇淛撰

小草齋集續集福建師範大學圖書館藏明刻本配鈔本小草齋文集江西省圖書館藏明天啓刻本

.....一

水明樓集十四卷

〔明〕陳薦夫撰

首都圖書館藏明萬曆刻本

.....三一九

華孟達詩稿八卷

〔明〕華善繼撰

南京圖書館藏明刻本

.....四八二

奉使朝鮮稿一卷附東方和音一卷

〔明〕朱之蕃撰 附〔朝鮮〕柳根等撰

上海圖書館藏明萬曆刻本

.....五四七

小草齋集三十卷續集三卷

小草齋文集二十八卷

(二)

〔明〕謝肇淛撰

小草齋集續集福建師範大學圖書館

藏明刻本配鈔本小草齋文集江西

省圖書館藏明天啓刻本

附《四庫全書總目·游燕集二

卷小草齋稿一卷》提要

小草齋文集卷之八

陳留謝肇淛著

東海徐 勛選

記

遊黃山記

黃山高四千仞逶迤數百里以不郊于大國也故遊屨罕至卽至而洊於險罕有窮其觀者戊戌九月余自鑾江挾于楚而南蓋將問鼎於軒轅氏乃邑大夫雅善使君宿戒輿馬共命而王

小草齋文集卷八

一

潘生景升所適吳山人元翰自錢唐至四人相視莫逆也遂以孟冬之十日行矣一發而抵楊干寺寺負嶺而面溪溪流瑟瑟作筌篲聲余要元翰窮其源里許得石憩之景升課詩如功令于楚懼通甚挾一卷從且讀且哦意殊困旣瞑入寺坐松間新月淒朗寒色襲人于楚亟索酒至輒酌無遺瀝有間鴟夷枵矣各就寢詰朝過容成臺迷失道田夫指而右乃得徑衆纍纍然度嶺天霜以風景升謂此往年余宗漢醉跣所

也今安所得酒乎度嶺復下者三乃抵山口望雲門諸峰森若列戟又十里許折而右爲鉢中是爲汪伯玉先生所營菟裘長堤青湍白石翠壁相向依然而事去人亡不可問矣已復緣石度溪觀湓池及架壑舟于楚憚弗往余既往比返則失足水中濡履及襪從元翰丐輶而去暮抵芳村宿謝伯貞齋中主人網池中巨鱗佐酒且戒客扁扉無夜出是地多虎問黃山程曰可二十里而近衆踊躍不能寐以主人言強須質

小草齋文集

卷八

二

明則皆步以往十里爲湯口二三叟程姓者指點天都示客秀色閃爍不可正視又十里則軒轅宮矣僧竺出誦客薦茗問溫泉曰是不盈咫尺須飽食以往不者水氣蒸人余笑謂吾戰勝者固無苦且若山澤之癯何要于楚往觀溫泉吾郡最多然氣味若硫黃卽驪山沂水皆然獨是泉泓冽甘泉蓋硃砂穴也比者八月間砂溢水沸赤者三日觀頃之元翰至又食頃景升至以次浴浴已問僧所之僧對若朱砂菴近而峻

醉石坦而遙白龍潭丹井伏亂石間恐不可以趾命沙彌以叩杖進度嶺百折而至菴所於是三十六峰削立如翠屏霞光雲氣繚繞人裾而天都最爲孤迥非羽翼不可登鉢孟峰翼其肩則景升少年時嘗一至焉僧爲余言比歲有徐氏子以家難捨身直至絕頂三晝夜遇神詎之欲擊以雷乃返頃躓幾死于楚謂夫夫也何歸爲卽震死胡害元翰曰吾不能抵絕頂而歸無寧老是菴矣刺刺與道人語不置道人累稱而

小草齋文集

卷八

三

窮余目攝之乃去僧要從他道下踰跟竹木間五步一失賴落葉厚得無損復折而右二里許爲白龍潭潭且洄凝綠如油醕而甘之一洞穿石底旁出余縋而下踞盤石上濯足而三人者且之丹井余袒跣追及之井小如蹄涔殆非其實已而僧覓醉石者徧索不可得衆柳榆之僧詢土人曰師誤矣從此西且數里於是衆譴然復上里許至山君巖元翰憊卧留一奴守之又前可二里道周一石欹弁若醉人狀僧曰是也

是不勝枯朽幾一逝而不獲他石疊若累卵水淙淙瀉其間曰鳴絃泉踞而樂之瞑矣乘月而歸回望天都一峰則殘日照耀如初旦時也衆共駭異久之至寺程叟以壺漿至坐中譚黃山者不一口景升王丞相原甚力且曰使君從丞相原至海子則觀殫矣余謂諸君無譁旦日能以雙不借從我乎衆唯唯獨元翰有難色曰不佞病矣請作少文卧游以須使君不者以七尺軀殉山靈無爲也寢興輿十里至湯口踰山背

小書齋文集卷八

日

而登七里至苦竹溪王章姓者謀所適章難之曰山紆削而蕪僅有樵徑耳其若使君何景升曰使君不獨至丞相原也且之海子衆縮頭搖手曰原以往皆叢棘也且安所止宿余不聽募開道者得二樵夫與之斧斤命輿人持襍被或負鑪及糗脯且行且急至所謂十三灣者足力盡矣命奴前後挽且推之十里爲九龍潭篁簪交塞衆欲舍之而過余不可目執斤者先行斬篁刺而下至潭潭水亦涸流潺潺不能作瀑

布飛時行旅渴甚吸無算余恐驚龍眠也止之循故道上道益險絕或履樹根或緣石壁或接以容足之木下臨無際于楚體肅而興勃勃輒先數十步遇奇絕輒大呼諸谷響應景升謂余使君那得一部鼓吹乃爾無何殘日隱峰明月動野山中白花如蘆茫茫萬頃如行波濤中迨原而夜矣從原上望天都較近而差偏故不及朱砂菴竹房二所相距百武一爲爨下諸從人闌咽一爲老僧住室湫隘欲崩于楚危之携食

小書齋文集卷八

五

他往余與景升共榻宿詰旦易芒屨而上山路始窮樵夫前導常聞丁丁聲行者越危石攀低枝手挽足移目眩心悸旣至石樓衆喘如吳牛矣景升賈餘勇前進于楚謝不能往余亦難之二人偶坐以待良久不至始歸原上殮殮已景升始至面無人色矣曰將達海子度沙嶺失足幾殞身數百仞下衆相視而嘻於是爲歸計別僧下山至湯口宿焉三人各舉奇險以詫元翰元翰以未爲所懼亦津津自喜也翼日宿山口

又翼日宿景升有芑堂余酒中語三君山川顯晦固自有時吾嘗導天目沿靈巖歷三天子都及其他表表在人耳目者要皆地中培塿耳以黃山之神秀盤鬱宏暢幽奇江南諸峰伏而不敢賓乃秩宗弗及禮祀靡加卽今昔詞人諷詠亦何寥寥也若非軒轅氏者幾湮沒而不稱矣夫士瑰意琦行而負遺俗之累者不亦黃山也耶三君憮然不能對余因次其游之崖畧而併及之游七晝夜有奇得詩如干首

小章齋文集 卷八

元

游白嶽記

黃山歸之夜始雨七晝夜不絕聲客中炊桂興幾盡若子猷二十有四日稍霽歛之輿馬適來會衆各持念齋戒寢興霧濛濛未解行者疑弗決余曰吾業心許山靈矣奈何以雨師故寒盟肩輿先往元翰于楚景升以藍筍從道中乍陰乍陽景色變幻薄暮抵海陽海陽令魯君知使君齋不敢具食除道戒輿馬如歛故事夜篝燭爲文詛雨翼日就道而朝曦爽然矣行三十里

始及白嶽之趾衆舍車而徒緣石磴上迤紆險而脩廣無甚險絕夾道惟石磴呀如拱如鑿不暇應接五里許至望仙亭回首下視已似隔數界矣稍下爲石鰲塢注水者爲桃花磯然勝蹟漫滅僅存其名卽主人不甚諳也余橐中攜圖以行每至一所輒按圖索之景升笑謂使君卧游足矣胡爲重辱杖屨余謝曰政自不能乃爾從真氣亭折而下象山一峰橫截行者杳然以爲無復之矣石壁窮而得亭乃復有石梁亘架

小章齋文集 卷八

七

中穿一洞以出是爲天門信出化工非人力也石楠倚門扶疎相傳數千年物而黛翠不改洞中及諸石壁碑題篆刻始遍十九汗漫不可讀出天門循崖行爲觀音崖爲羅漢洞稍進爲珍珠簾曠久水竭殘滴蕭蕭卽碧蓮池亦可寒裳涉矣意殊恨之左折爲黑虎崖石級嶽嶽然上者爲天梯從寮爲真真石室門鑄不得入夜下從車猱嶺而西過榔梅菴千武而達玄武行宮自白嶽至行宮可二十里而遙日且崦嵫亟

入宮謁帝帝祠髣髴太和而規制差微紫玉屏
負其背鐘鼓二峰翼之祠前一峰凝立作頂禮
狀爲香爐峰其他萬壑千巖環拱羅列奔赴朝
宗帝像莊嚴精工殆非人手相傳以爲百鳥銜
泥所成以啓扇先期獨小指未就至今補塑輒
落此理之不可喻者也時景升方有事於文昌
余三人挾黃冠經華林塢洗藥池抵舍身崖而
窮不復至文昌也者夜矣夜宿觀中山雲鬢隸
千林凝黑而香爐峰頂一燈熒熒照牀蓐間翼

小草齋文集

卷八

八

日步而上五里許至文昌閣望五老峰端竦如
玉筍班樂而不能去者久之至讀伯玉伯念二
先生碑又黯然有異代之感遂至南天門者而
踰五老之背以下旣下路始康莊阡陌村落炊
烟相望于楚元翰二輿人酣宿酒帘間每輿輒
慶二君窘自投下過天井觀音巖導雙溪又十
里而至石門寺寺以石爲檻卑棲圯毀殘燈老
衲凄然相守卽四大金身亦僅餘泥土矣石龍
無恙而口不注水寺僧云五月分龍水始吐至

十月而涸歲以爲常不爽也寺右爲石橋巖巖
類天門而高廣可五倍之登橋而萬山迴合紫
綠千重縈繞衣帶故爲最勝之所丁生以舒携
尊壘至橋下酣久之雲氣起足下雨且霖霖業
止寺中顧湫裏無所舍僕從乃踉蹌返雨如絲
不止抵雙溪暝色合矣逆旅不納客行李淋漓
景升雅知朱文學文潛以片刺往主人方有良
會至卽謝諸親懿從泥淖中肅客入酒榼畢至
夜分就寢猶聞簷溜泠泠潑潑戶漏盡稍息詰朝

小草齋文集

卷八

九

乃大霽于楚欲順流觀落石臺至藍渡橋覓筏
不可得遂入城又翼日至臺所觴王介卿文學
夢雨齋適顧廣文靖甫丁太學楨伯咸以餽飮
來會入夜魯明府始具食明府因徵余言不腆
白嶽辱使君之雙屐以爲地主寵光且使君從
天都來也安所軒輊哉余謝唯唯惟是黃山抗
地表入浮雲神秀洪朗雄視南服固當吞白嶽
八九於胸中至於連蜷盤鬱槎枒襟杳若神工
鬼斧令人意義心惛樂可以忘死若是者豈兄

軒轅氏而泮溟然第之哉景升曰若是則使君將焉處抑寧有兼之者乎余謝唯唯諸君須矣海濱之地不足當漢什一而山川嵯峨差足比數有武夷君者秀足敵黃山而奇不下白嶽至於九曲澆澗而揚波折筍懸空而絕地玉莖金草仙蛻丹牀委積其間又二嶽之所無也諸君須矣質明明府赴部四人者並轡而返乎豐水

登岱記

歲在己亥仲秋生魄謝子有事穆陵道出泰山

小草齋文集

卷八

一

之趾泰安守秦君懋約踞曰秋氣漸肅陰氛弗興是山靈所以須先生也先生上余謝以使事急請俟歸畱比歸以月之晦則秦守者且去視篆爲司農劉君文會於是輿馬脯糧戒矣先是天霜以風至日霧猶濛濛不解晨起沐浴謁岱廟廟制鉅麗如王者居而漸就頽圯諸黃冠色如菜出登封門三里至更衣亭則劉君已袍幘坐軟輿待矣相與屏騶從上入山漸深但覺白雲黃葉左右飛積五里許至高老橋水沍且涸

卽水簾洞亦涓涓如蹄泮無奇也由水簾洞折而東復折而北道始峻削難行吾遊山多矣雖絕地挿天亦必迤邐紆迴而上或輿或步咸得袖手騁目默泰山不然其坦不能十步輒就石磴蹙皆懸空斗削高者百餘級小以十數輿中五管在上胸膝相摩手挽足抵頭岑岑也加以狹崖夾障耳目塗塞如道委巷中意甚苦之至玉皇閣下輿迴望始見徂徠一峰獨當南面扼塞汶水縈若衣帶爲注目移時又上爲迴馬嶺顧從者自高老橋時騎已不得前矣旣過黃現嶺山勢稍凹而下下而復上者三是所謂快活三也稍進爲二天門巨石對壘奔流飛注作風雨聲殊勝水簾秦守跨崖爲亭余名之曰聽雨遂拉劉君步石磴上抵御帳憩焉前有雙松相傳秦所封五大夫也是耶非耶存而不論主人進素饌饌已復就輿由大小龍峪以至十八盤萬梯齒齒如升天但覺余之前趾擊輿人之脛而冠摩其頂蓬蓬然行雲霄上矣梯窮而得平

小草齋文集

卷八

十二

壤廼有周廬廬巷成小村落皆衣食於元清祠者余居祠右公署署後樹李斯斷碣循而讀之通四行首二字已剝毀僅得臣斯以下二十九字耳旁爲玉女池山頂常苦乏泉獸是池未嘗竭疑有神物護之既而劉君來邀具服拜元君祠元君者黃帝七女之一也事有無不可知然其盼靈靈明足以奔走萬方之士女所入香繯歲不下六萬其布捨財帛稱是官收其入以佐匪頒比者中使權稅復增什之二矣而膜拜祝

小菴齋文集

卷八

三

釐者猶肩相觸也從祠左折更上數百步爲摩崖碑其他名賢題刻殆遍山谷而損於俗子者過半至蘇許公所書爲林焯以忠孝廉節四大字覆之猶令人髮上指云又百武而抵絕頂觀秦皇帝無字碑禮玉皇祠祠朽且圯余謂劉君山椒縱目當令無所不屆惡用祠爲當俟數年後圯盡來游耳時天陰寒甚衣裝綿不解呼數大白禦之憑黃冠指點東南諸峰歷歷在掌至探諸幽踪往蹟則多不能對沿崖走日觀降觀

古封禪臺抵舍身崖崖故不甚險齊民輕死而上鬼自投斃者歲一二焉先後有司爲之厲禁且易其名愛身余謂惟舍故愛非愛非舍本來面目烏得不愛四大血肉不舍胡爲攝衣從旁睨之劉君股栗令兩圍樞余衣余不勝胡盧踞地進厄爲劇譚石梁折筍諸險聞者吐舌不已崖西爲仙人橋半壁有石側出僅尺許一散髮道人跌其上召之至自言洛人也苦行十五年矣問其姓名不對衲衣跣足步崖壁間如飛心

小菴齋文集

卷八

十三

殊賞之返至平頂峰劉君設酒炙肅客樂奏數闕余意不在酒也視晷漸昃亟起西行歷元君寢宮至丈人月觀諸峰以及孔子望吳門亭亭亦毀矣亭旁故有文廟秦守以非禮撤去余謂廟去而存亭可也囑劉君葺之已遂夷猶縱步巖間草際搜括殆遍復至祠憩焉翹首西望日且沒矣雲水之間紅景一線而金光倒射熠燿不定無何迺瞑劉君方有期會別余下山余留宿署中約道人露者以五鼓來請不則已夜卧

但覺寒氣襲人擁重衾而戰寢興曙矣啓戶則霧飛如絮咫尺不相見意大懊恨啜少酒從肩輿下雲奔狂如萬馬沾衣盡溼至御帳暴下委頓久之進薄糜半器而起目持酒者於石經峪相待先是余慮磴道艱於下乃輿人步捷如飛至上時則趑趄喘息余笑曰快活三今則煩惱三矣過高老橋折而左可半里至石經峪石廣袤數十丈八分書大如斗其爲水漸盡已三之二然靈境勝蹟故自幽絕且也與其爲俗物惡

小章齋文集

卷八

十四

札所損無寧付之流水以還造化乎余坐亭中獨酌久之比入城表影中矣是游也余方有使事故不能遲廻彌日以窮其秘又值膚寸之朝俾金支翠旗若沒若滅不無遺恨然余蓋鑒於吳興矣一過天目弗登遂竟五載而失之今余且游矣其游之未盡者需之他日知山靈固不吾惜也詩爲七言律律如干首

重游天寧寺記

真州負江爲鎮地多斥溷沮洳不可居獨城中

無大賈差遠塵囂城南天寧禪寺爲唐李寶皇時所建紺宮金闕綺路疏寮其西乃有槐榆數樹蒼鬱參天僧西玄者主之戊戌之夏余自吳興避地江上每至炎歊輒移枕簟就樹下箕踞散髮赤日蔽虧涼颼徐引維時四方同調之士響應雲集自臧晉叔袁小脩而下無慮數十人其中若王康成善飲安質甫丹青詹淑正善歌江彥卿善琴又有王生善奕貢生善醫袁生善諸幻戲及鷄鳴犬吠之屬日擊鮮剖羊命酒賦

小章齋文集

卷八

十

詩百技旱岸月上鐘鳴然後袒跣行歌歸休其所旦復集以爲常三有月餘窮快心意耳內風生鼻端火出每念此樂都忘老死逮乎秋半小脩北遊晉叔南遷余偕于楚爲天都之行於是一時同遊飄零略盡臘月之朔余渡江復過其地則落葉滿庭霜霰交積老衲殘香凄然於影堂敗榻之上日月幾何而俛仰之間便爲陳跡况夫天地逆旅百年朝暮四大委形脩短隨化而吾安得而長有之乎雖然此其化也不足以

喪吾存眉山氏以一時之流攬而施惠及泉至
今慧日餘瀝猶浹人耳唯是嘉樹吾將以俟諸
不可知者何人吾烏知乎有之僧西玄膜拜曰
不腆初地敢不封殖是樹以無忘使君有如此
井矣於是書而歸之而附同遊姓名於後志感
也臧國博懋循吳興人袁太學中道荆南人吳
山人元翰周山人千秋徐孝廉燧馬茂才欽皆
閩人謝山人室汪太學宗姬潘太學之恪詹山
人瀟江山人東士皆新都人貢山人同魁永安

小草齋文集

卷八

上

人受山人君素松陵人李孝廉祝侯太學維垣
王太學維寧袁山人服麟皆邑人王山人宸棠
邑人

遊靈巖寺記

方山岱宗之別麓也相距六十里而遙其趾爲
靈巖寺癸卯之春余以便事潦倒七十二君峰
下蓋三晦魄焉欲間道走靈巖而輒不果夏五
十日從歷下抵蛇丘遂取道嶗山而行時暑氣
方溽肩輿行六十里勃鬱如疊舌盡生烟遠望

亂峰迴合白雲膚寸而雷聲殷殷起天際矣日
未崦嵫雨乃大澍奔遲賢亭宿焉昔新八公鑿
酒過純陽上昇於此今所留字弁像俱在石也
質明視雨尚霖霖不休顧余心業與山靈期矣
且雙屐無恙甚安所怯衝泥乎迺蒙袂登車二
十里許至寺老僧延入方丈軒几明敞頗不作
塵俗氣而小園脩竹綠陰滿牕風敲憂玉亦瑟
瑟可聽也啜茗甘甚問之曰是甘露泉烹者已
具服入殿禮佛禮竟命老僧前導至無梁殿有

小草齋文集

卷八

二七

大士及文殊普賢三像皆宋時物也上有方閣
四面棐眺羣山而湫隘不能容鄰且爲進香諸
村社題名之所殊覺穢人其左別寮數十無爲
禪堂爲齋僧廚厨下流水湛澈不瀦不涸爲佛
圖澄錫杖泉泉之北兩井相比比漂而逾甘與錫
杖泉一脉者爲雙鶴泉鶴羽色殷然常以六月
六日去十二月八日來歲不爽也循廡右折紺
官碧瓦翼然臨無梁殿之後琅函鳳篆爛若手
未觸者爲新購藏經殿又東百武地形巋然榛

題朴素而木櫨貝葉環繞充樑櫨者爲元
殿稍北爲辟支塔塔十三級其中皆石
余登其二而止其前藻楣山節金粧
葉端皆坐如來尊嚴端巧殆非人工
四應悉作諸天面目不可數計者爲
千佛殿殿之右爲十王殿再折而下
岡阜隆隆隱而復起石室窅然亞而
入不得炬不可行者爲魯般洞東西二
石門對峙一嚟不啓相傳異僧坐化
其中其一入之地勢漸高深不可極
時時有怪風從內出寺

小草齋文集

卷八

六

僧懼而填石捍之寺前後石刻林立
大率汗漫爲祟獨得宋蘇子由鮮于侁
二碑及唐天寶時焚脩名姓銀鈎婉
媚大類閨秀觀已雨稍霽促入方丈
進伊蒲饌坐籃筍從寺東北行半里
許爲鐵袈裟大地湧出黑質苔紋其
根入土不可舉也豈丈六金身尚須
此頑鐵耶世固有事之所有而理之
所無者又里許小亭方丈中設石几
下蔭流泉後祠大士像像前流泉泓
然清淺注未嘗涸者爲甘露泉稍上
虛亭南嚮憑鷄鳴

峰而枕方山者爲抱靈亭自此以往
石徑頗險仄盤紆棧折與人踉蹌欲
仆輒爲下久之喘甚且渴顧山谷間
杏赤如日命從者採之酢不可咽徑
路既窮孤峰壁立如削橫亘數里懸
崖倒覆空洞宏爽山僧數口居其下
負石而宇承雷而炊爨纍纍如列肆
者爲石棚循石壁行仰負翠屏俯瞰
陡壑大似江南諸山恐是從幔亭驚
嶺飛來耳巖之半得一洞深數十武
內有別孔他出杳黑無際暗風淅淅
然吹人毛豎爲白雲洞

小草齋文集

卷八

七

洞前萬山羅立遠望日觀巍峰挺
然獨峙隱隱雲生若可超而至也循
崖而西益巖嶮不可趾雨後時止時
作衣幘盡淋漓復上數百武一石憑
虛下視如將墮狀爲舍身崖余欲登
之僧曰從來人無至者余曰石不可
至身何由舍爲之驟然又東行百武
爲石佛洞是爲山之絕頂洞類白雲
而高廣倍徙之中有證明功德佛一
身光趺畢具相傳亦爲地中湧出
者則又奇矣一焚脩道人贖甚不可
語顧視石壁擁列聳翠戟

轟劍攢恨不得生羽翰凌其上令一覽衆峰小也余興方劇顧積雨溽甚山椒無駐足者遂循故道返至甘露泉亭嗒然獨酌長嘯久之衡覺雲氣英英如絮從兩袖飛出比入寺則日且下春小比丘鳴鐘送客矣謝子曰余於東方得大小之奇觀二焉渤海涵天浴地非不決決巨浸也而趵突之流倒湧如輪賦目賞心不啻蓬萊閣上躡金鼇之背岱宗割陰陽而鍾靈闕彈丸九州豈不吞靈巖八九哉而峭蒨排突之奇連

小草齋文集

卷八

三

蜺磳砢之狀龍飛蛇盤兕蹲虎驀足以窟宅仙靈令人魂斷心悸樂而忘死固未肯兄碧霞氏而滓溟然弟之也鶯鳩不羨大鵬朝菌不必冥靈秋毫巨而與薪細彭祖夭而殤子壽此非齊物之妙論而達人之殊觀哉吾以是爲靈巖解嘲矣

游闕里記

從嶧山歸至鄒謁亞聖祠遂以是夜抵曲阜晨興偕衍聖公胤子謁先師廟廟鉅麗不具論獨

其地磽不宜樹古木夭矯參天尚不及孟廟中也手植檜在儀門之左煨燼之後古質如鐵紋皆左旋不生不滅前後石刻以萬計什七宋元以上字亦不惡余從苔網中得五鳳二年數字又在鍾蔡前三百年物耳已至顏廟觀陋巷井顏博士避客不出出城北三里許岡阜隱起林巒挺秀亘十餘里者爲孔林林蕃衍甚卉藥異種多不能名者相傳四方弟子各樹其地之所出獨無荆棘刺人及上無鳥巢爲異耳楷木爲

小草齋文集

卷八

三

子貢植者大數十圍今已朽折僅存其本二丈許土人環石壘之其餘尚數百章本支蔥菁萌芽香苦可茹第官府不時伐取作枰枕鳩杖以充四方餽遺遂令先賢手澤漸以凋零亦可惜也諸墓伯魚居中先師偏右此林當是尼父生前爲鯉所卜無疑聖人之葬人因而人之葬聖人固不足異耳子貢廬在墓右謝子曰今之經生語及神怪變幻之事如石點頭松東向輒叱爲異端妄惑乃吾夫子生平不語怪然憎之廬

且榮也荆棘之自闢鳥鵲之不敢巢也竊爲之
豈神聖在天之靈眷眷於一卉一木間耶抑靈
閔所鍾自有鬼神呵擁若釋氏所稱護法大力
者耶豈謂民難眇論無徵不信而示神通以設
教耶此其故難言之矣余於東方得三大觀焉
柱乾維坤則岱宗擅其雄稽天圻地則渤海專
其巨揖古花今則尼父位其極六載之間而獲
是三者宇內之觀殫矣余可以行矣萬曆乙巳
夏四月朔日記

小草齋文集卷八

三

登嶧山記

昔吾師琅琊王敬美先生登岱以不及至嶧山
爲恨然余待罪東方六載於茲牛馬之後無事
歲幾失嶧矣乙巳春有南比部之遷三月晦日
從郟城謁部使者歸一獲登焉先是澤雨爲政
蹄軌泥塗與幾盡如子猷追蠟屐之夕始霽迺
知山靈與謝公有緣也從肩輿中遠望亂峰巖
嶒稜峭如昆吾刀削成比至視之則三步一石
五步一巖縱橫堆積而空洞其中詢羽人云山

質皆沙也羣石初伏沙中久而沙日崩石日出
有山椒孤石不能自持而隕至平地者有巨石
如萬斛船中擘其半墜地而半尚在天際者有
石壁初側立而後仰覆者有一巨石而數小石
承之如累丸而不墜者余笑謂羽人數千年後
沙當崩盡此山當益奇第恐苦遊人杖屨耳山
下有館小憩四周諸碑林立什九汗漫不可讀
稍上爲玉蓮泉爲聖像巖最勝者爲孤桐寺桐
色如黃金枯而不朽斷紋鱗細肌質奇古不可

小草齋文集卷八

三

名狀當是宇宙中第一故物爲摩挲低回不能
去者久之其最上爲白雲宮神像僧寮皆居覆
石之下孤燈熒熒飛泉濺濺間從餘竅以見天
日大都是山之勝以主不以客洞壑秀拔大勢
軒轅黃山第差狹耳山頂尋秦皇帝功德石不
可得得二碑字梵莫能辨羽人妄指以對心甚
疑之既詢之鄒令君令君曰此蒙古碑也李斯
篆以摹榻之煩舛致邑中矣爲之大噓從山之
西下始多土而道益險巖不可步藥苗草花彌

蔓崖谷石上有衣如苔山中人烹茗酌之味亦不惡羽人復導余觀石鐘洞穴杳然自縋而下蓋左右無能從者佝僂循壁手挽足移頭爲懸石所擊幾破襟幘盡淋漓既出左右笑余自顧亦笑也何處無山何人不遊山然大冠如箕前後呵殿白雲爲之驚去矣安能探洞壑之秘窮極險惟一領略此天造地設之奇乎余且去齊矣他年重游踪跡不可預知輒爲記其游之崖略如此政恐一交臂而失之將來復遺恨如

小章齋文集

卷八

三

吾師耳

游太姥記

自正月晦日抵長溪卽苦霖雨連旬面壁客况凄然二月望稍霽出城而雨作踉蹌返爲行人所笑歸邸中作詩咀雨旣二日迺大霽遂攜崔茂才徵仲周山人喬卿以十九日發過台州嶺稍巖磔不可前午飯嶺下旣復輿過數嶺石磴紆迴不絕新晴困人膏騰思睡耳畔惟聞寒瀑颯颯風雨聲及輟輶格磔雲中響應耳旣過胡

坪值畬人縱火焚山西風急甚竹木迸爆如霹靂輿者犯烈燄而馳下山回望十里爲灰矣日未落宿楊家溪與喬卿徵仲緣溪流竹徑中行窮於樵徑而返主人促客拒戶防虎也夜挑燈徵虎事十數聞山腰咆哮聲各咋舌就枕翼日度錢王嶺指路左岐路云是走天台道也至三佛塔稍憩張郡幕憲周追至相慰勞久之復度頭陀嶺望海上群峰歷歷可數而慕與一支垂水面如芙蓉走阪而下是爲太姥洋矣緣田墜

小章齋文集

卷八

三

跨澗而登嶺路陡峻幾不能步五里許達玉湖菴菴偏側就圯惟是檜栢參天日月蔽虧竹木幽翳石澗潺潺而四面群峰千遭百匝固茲山一幽絕所也菴前舊有湖山僧填塞爲禾畦菜隴遂令千年勝跡永絕意甚恨之時日未晡憲周銳欲至巖洞衆各有難色苦要而上二里許迷不得道迺大擲掄而返復從間道走國興寺寺劬於宋祥符故甚宏麗今其遺址猶存旦日由玉湖右折過澗詰屈數里過彈穿石石上老